

Lesing 12.02.2018 - Die geheim van menswees DEEL 7

Geen skeppingswerk is doelloos en sonder betekenis nie

B.D. 7098 - 20 April 1958

Niks wat daar in die skepping bestaan is sonder doel of betekenis nie, maar nie altyd kan julle die korrekte doel van 'n skeppingswerk begryp nie. Julle vra julleself dikwels af waartoe die een of ander geskape is, omdat dit volgens julle bevattingsvermoë nêrens skyn te dien nie. Maar reeds hierdie verklaring moes vir julle al toereikend wees, dat alles wat bestaan "krag is uit Elohim" wat eens weer tot werksaamheid moet kom. Dat hierdie krag egter heeltemal verskillend is volgens haar werksaamheid, omdat sy haarself op heeltemal verskillende afstande van Elohim kan bevind. En "afstand" is gelyk te stel met weer-spannigheid.

Sodoende is dit geestelike substansie deur Elohim se uitgestraalde krag, wat ondanks die reeds baie lang weg van ontwikkeling in die 'jy moet toestand', sy weerstand maar baie weinig verminder het; wat egter tog volgens die Goddelike ordening die weg van ontwikkeling voortsit, en dus steeds nuwe uiterlike vorme betrek wat 'n langsame aktiwiteit toelaat. Maar hierdie aktiwiteit stem ook weer ooreen met die weerstand van die geestelike. Dit verrig dus geen duidelike diens aan die mens, of aan ander skeppingswerke nie, maar dien tog indirek.

Dit sal vir julle meer begryplik word as julle dink aan die skadelike soorte uit die diere en planteryk, aan ongediertes en aan giftige plante; huis dit wat julle as doelloos en skadelik in die skepping van die natuur beskou. Maar al hierdie produkte is draers van Goddelike krag, wat in hulle ingeslotte geestelike substansies 'n beperkte moontlikheid gee tot loutering. Want gelyktydig dien hierdie eenvoudige skeppingswerke weer ander skeppings tot behoud, deels as voeding vir groter lewende wesens, deels as bemesting van die voedingsbodem van die plantewêreld; hoewel julle mense so 'n uitwisseling dikwels nie kan waarneem nie. Maar ook vir die mens self kan dit vir sy geestelike ontwikkeling, wat dikwels beproewinge vra, dienstig wees. Wanneer die mens deur geduldsproewe van allerlei aard moet bewys of hy die korrekte ingesteldheid het tot alles, wat Elohim deur Sy wil laat ontstaan het.

Daar bestaan dus nikks wat sonder doel of betekenis is nie, of die mens egter die betekenis en die doel van elke werk insien, is nie beslissend nie. Maar sy geloof in Elohim se Liefde, Wysheid en Mag moet hom 'n sekere eerbied gee teenoor alles wat deur Elohim geskape is, omdat hy andersins aan die Liefde, Wysheid en Mag van Elohim sal twyfel. Van die van Elohim eens uitgegane "kragstroom", dit wil sê, vir die

opgeloste substansies van die geskape geeste, is alle stoflike omhulsels 'n groot barmhartigheid - want dit word omvat deur Elohim se liefde en sodoende in 'n uiterlike vorm geplaas. En al verraai die verskillende vorme die weerspannigheid teen Elohim, so het Elohim desondanks tog die geestelike omvou om dit langsaam van 'n "jy moet toestand" omhoog te voer. Hierdeur alleen, moet julle mense leer om elke skeppingswerk slegs met geestelike oë te bekijk. Julle moet daaraan dink dat Elohim waarlik van alles weet wat vir julle mense nog 'n verborgenheid is. Dat julle dus nie voortydig mag oordeel nie, omdat julle dan op die skeppings van Elohim kritiek uitoefen, waartoe julle waarlik geen reg het nie.

Want sodra julle glo dat die skepping Elohim se werk is, moet vir julle ook alle skeppingswerke bo twyfel verhewe wees. En julle sal dan ook leer om dit met liefhebbende oë te beskou, wat vir julle tot nog toe afkeer en antipatie inboesem. Wat egter nie beteken dat julle die geskapene teen sy bestemming mag begunstig nie, want sodra dit duidelike skade aanrig, mag julle ook daarteen ingaan en die ontwikkelingsweg beëindig. Want ook dit is volgens die wil van Elohim, dat hierdie skeppings geen lang lewensduur sal hê nie en dat julle die reg het om die lewensduur te verkort, sodat die geestelike substansies hulself deur steeds nuwe uiterlike vorme 'n sekere ryheid kan verwerf. Want dan kan hulle tot dienende funksies toegelaat word, sodra die voormalige weerstand afneem, sodra die geestelike so ver gekalmeer is dat dit bereidwillig wil dien en daardeur langsaam opwaarts styg.

Julle mense moet weet dat ook julleself, dit wil sê, julle siel, sulke substansies in haarself berg wat hierdie voorgenoemde weg moes aflê. Want julle het alles waartoe julle oë in staat is om te sien, in julleself. Maar Elohim se Liefde, Wysheid en Mag weet om alles in die korrekte orde te lei, want Hy beoog slegs die doel wat Hy ook eens sal bereik.

AMEIN